

ՀԻՆ ԷՋԵՐ

ՔԱՐՈՋ Ի ՄԿՐՏՈՒԹԻՒՆ ՏԵԱՌՆ

Յաւերժական ծայնիւ յոգնակի գոչմամբ գեղապարեալ պատուեմք ըզսոսկալի եւ ըզսարսափելի գալուստն ի բում յորովայնիդ սուրբ Աստուածածին Մարիամ, նառեմք զանճառելի ըզծընունդն, քանզի որ էնն ի ծոց Հաւր հայրենի ծնունդ եւ հայրածին մանուկ, որդի անդրանիկ եւ անժամանակ տղայ, յառաջ քան ըզյաւիտեանս, Աստուած հանեցաւ մարմնանալ ի բում յորովայնիդ սուրբ Աստուածածին Մարիամ, որ այսաւր ի քէն մարմնացաւ մեզ Աստուած երեւեցաւ. ըզնա անդադար աղաչեա վասն անծանց մերոց, աղաչեմք:

Անպատմին կառք, անդրդուելի աշտարակ, անպարտելի պարիսպ, աղբեր լուսոյ, ականակիտ վտակ, գետ յորդահոս եւ յորդավըտակ, քանզի Հայր Աստուած հինաւուրցն ի հայրաշարժ յաղբերէն առու կարկաչս առնելով անծ[ը]եւածեւ ցաւղանայր ի բում յորովայնիդ սուրբ Աստուածածին Մարիամ, որ այսաւր ի քէն մարմնացաւ...:

Կենդանաստեղծին մայր, կենարարին պատճառ, կուսածին առագաստ, կանգնումն Ադամայ եւ կեանք եւայի, պերճութիւն պտղոյն եւ մերժիչ խաւարի, մեղաց լուծիչ եւ մարդկան քաւարան սուրբ Աստուածածին Մարիամ, որ այսաւր [ի քէն] մարմնացաւ...:

Ոսկետուփ տումար, դիրայարմար, ասրափայլ անծրեւ եւ լեռն վիմածին, զանծ շարաշարեալ եւ բուրուառ ոսկի անուշահոտ խնկոցըն ծրխիչ, զըզուիչ անեղին եւ պարծանք կուսութեան սուրբ Աստուածածին Մարիամ, քանզի ի վերայ բո կայծակնատարած եւ շող աստուածութեան երեւիր, սիւն առ սիւն հատանէր եւ աստղանման երեւէր, որ այսաւր ի քէն մարմնացաւ...:

Փառաւորեալ Աստուածածին բողբոջ գարնանային մըշտընջենաւորածիղ, քանզի հինաւուրց Աստուածն այսաւր յերկրի երեւեցաւ եւ ընդ մարդկան շրջեցաւ, նոյն ինքն խայտայ այսաւր ի ջուրսըն Յորդանանու եւ ի Կարապետէ ձեռնադրի, Հայր ի վերուստ վըկայէ, դայ է իմ սիրելի որդի ընդ որ հանեցայ, որ այսաւր ի քէն մարմնացաւ...:

Աւդ լուսոյ եւ ծառ կենաց հայրենի տնկուած, սընեալ յարարէն սուրբ Աստուածածին, բարունակ բազմածաղիկ եւ թերթ վարդասուն, բաղցրահամ ողկոյզ պանծալի պարտէզ, արեւելք արեգականն արդարութեան եւ պարծանք կուսութեան սուրբ Աստուածածին Մարիամ, որ այսաւր ի քէն մարմնացաւ մեզ Աստուած երեւեցաւ, եւ ընդ մարդկան շրջեցաւ, ըզնա անդադար աղաչեա վասն հանգուցելոց մերոց, աղաչեմք:

Եւ եւս առաւել զյորդորումն...:

Զանծինս մեր եւ զմիմեանս...:

Սոսկալի ծնընդեամբդ ի քէն ցընծան երկինք եւ երկիրս ուրախանան, ամբք նառազայթին եւ արեգակըն հրաշանայ, լուսին նըկարակերտի եւ աստեղք արեգակնանան, եւ մեր հողեղէնքըս հրեղինանամք ընդ հաւր բանին Աստուծոյ, որ այսաւր ի քէն մարմնացաւ սուրբ Աստուածածին Մարիամ: Եւ այժմ ողորմեա...: